

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

§. III. Deum sublunaria, & quidem minutissima quaeaque curare probatur
ex ipsa corporum caelestium constructione & fine.

urn:nbn:de:hbz:466:1-13517

Simplicius, ille doctissimus Epicteti commentator, concisè, vel
rē & piē.

*Deinde
particula-
ri petuā ex-
fine ob quē
cælestia
corpora sūt
formata.*

Iuuerit tamen altius hanc rem prosequi, diuinumque hono-
rem defendere, quem omnis religionis osores impetunt & pro-
fligant, venerationis maiestatisque diuinæ, callido sub prætex-
tu. Et ut iam quidem nihil de infinita Dei sapientia dicam, de
quā Tractatu proximo prolixio mihi instituendus est sermo: dic
amabo te, quā fronte Deo sublunarium rerum administrationem
& curationem audeas detrahere, quasi cælestium corporum
globis disponendis & dirigendis lati superque impedito, hoc
illi nempe opus, hanc curam incumbere; cum hæc ipsa corpora
non alio sine molitus sit, quām vt per ea tanquam per apta in-
strumenta, totam quam incolimus sublunarem regionem, in-
colasque beneficiis repleret vt naturæ auctor, & recte vt bene-
ficus Pater administraret? Non satis intelligo, quo pacto Ari-
stotelis ingenium & ratiocinatio in Lunâ hæcerit, quidue homini
ingeniosissimo in mentem venerit. Attendite si placet ea quæ di-
citurus sum, ingerent ea paulatim rectam quam de Deo habere
conuenit opinionem: quam vt bene firmauero, consecutus sum
omnia.

§. III.

*Deum non cælestia tantum sed & sublunaria, & quidem mi-
nutissima quæque curare, probatur ex ipsâ cælestium corpo-
rum constructione & fine.*

*Ergetur
hac ratio.
cerie cor-
porum cæ-
lestium co-
strucio &
motus pro-
per se non
est, sed pro-
per sublu-
naria.*

A gedum ergo Philosopho, quisquis es, quid dicens? cælestia
corpora curare Deum, sublunaria non curare. Videamus
porro, quām id recte concluditur. An ergo cælos, cælorumque
cursus tam varios, Astraque idcirco esse autem astu, vt essent in
rerum naturâ tantum, an verò vt ad aliū referrentur finem?
Certe si motus omnis, prouthi ipsi Philosophi cum Aristotele
statuunt, finis est quies, continua illa cælorum circumgyratio,
tot iam elapsis annorum millibus, finem suum non obtinuit, ne-
que obtinebit porro, donec hic quem videmus naturæ perstabit
status. Ad aliū itaque refertur finem, orbium illorum conti-
nuus

nus motus. Neque iam opus est illud longius proluere, cum & ipsimet id fateantur, & vero experientia fatis constet, quantum in his sublunaribus per altiores illorum corporum influxus, mutationis accidat: quod vel solae noctis, & diei, hyemis astatisque accessus recessusque maris vicissitudines, & corporum in pleniluniis, & aliis Lunæ planetarumque affectionibus, mutationes luculentè testantur. Nimiris clara res hæc est, quam ut longius dedicatur.

16. Id vero iam vrgo; an hoc rationi consonum credis tu, Deum Prudentiam suæ thesauros impendere cœlestibus illis corporibus ordinandis, ad ea vero non attendere, propter quæ ea ipsa corpora & confecta, & hoc quo videmus ordine situque sunt disposita: Hoc enim vero persuadeat mihi quis, nauclerum artis suæ instrumenta curare, quibus in arcano suo, prout explicui, conclavi vtitur, totumque eius studium in hoc consistere, vt Astrolabia, quadrantes, compassum, regulas, cæteraque recte in suos gradus mirutaque diuidat; acus nautica accurate ad magnetem & ex arte sit affecta; alia vero armamenta nautica non expendere, neque velis, neque rudentibus, neque remis, neque clavo, neque adeo vectoribus epibatisque ullo modo attendere; cum tamen in horum usum directionemque instrumenta illa constet esse confecta: Solem, Lunam cæterosque planetarum orbes conficit Deus, terræ fœcunditatem vt det; pluuiam, grandinem, nubes, frigus, caloremque suo quæque tempore vt induceret; animalibus procreandis alimenta vt sufficerent, gramine humum, hortos floribus, foliis fructibusque frutices & arbores vt conuestiret; interea terræ non aduigilat, omnia permittit casu; nascantur, non nascantur animalia; alantur, an percant parum ipsi pensi est, modò circa cœli cardines recte peragantur omnia. Quis id credit, nisi aut cui mens sana non est, aut est peruersa?

17. An non id saltem perspicitis, si quidquam luminis vobis est super, instrumenta cœlestia tantâ arte distribui, & tanto ordine composita conseruari, vt hunc quem videtis rerum ordinem in terris disposeret, dispositumque conseruaret? ita sane cum infantis illis, nimiumque ratiocinio suo tribuentibus Philosophis, expostulat Deus ipse, teste Iobo. Numquid nosti ordinem celi, Ipones rationem eius in terrâ? ac si dicat: si percipis cœlorum motus, siderum influxus, Planetarumque discursationes si intelli-

An ergo
credibile
Deum in-
strumenta
sua curare
sunt, ne-
glegere ve-
ro ea, pro-
pter quæ
instrum-
tailla con-
didus

gis, nonne illico luce meridianâ clariùs cognosces rationem
rante machine à terrâ dependere, hoc est, non nisi in sublunari-
um vsum & commodum fuisse procreata? & tu interim instru-
mentis vacare me, cardines celi perambulando deterere, & ad præ-
cipuum, cui illa deseruiunt opus, non attendere blasphemus
finges?

*Exponitur
absurditas
huius sen-
tentia, in
familiari
artificis
horologio
componitus
compara-
tione.*

Attendite vos si placet Auditores, & insanam Philosophorum collectionem, ex eo quod iam dico, percipite. Quod si artificem magnâ sese industriâ automati, seu horologio quod rotis circumagit conficiendo impendere videritis; totos dies rotulas in sua membra dentesue diuidere, excavare, perpolire: tympana cochlearaque recte disponere, ut dentes dentibus, rotæ rotis corresponteant, mutuosque excipiant & retardent lapsus; omnibusque rite confectis, tabellam cui inscriptæ horæ, manumque quæ eas designet extrinsecus affigere, superne vero æs campanum erigere, malleumque imponere, qui quot horas, totidem iictibus prodat; denique iusta pondera diu expendere, & tandem appendere, quibus automa totum, tota inquam machina, certo ordine & debitâ celeritate moueat. Quis, inquam, hæc oculis suis perspiciens, si modò præter oculos, mentis habeat aliquid, istud sibi persuaserit, non aliò spectare hæc omnia ex artificis mente, quam ut rotulæ circumferantur, neque alium habere finem? horæ autem an designentur ab indice, aut à malleo campanæ incumbente proclamentur, an non, & quæ designantur, an designentur recte, horane audiatur tertia cum sit duodecima, nihil id quidem curare artificem; cui id nisi parum fano imponetur? Tamen, inquies, semper artificem video rotulis adhibere manum mentemque: iam pondera attrahere, iam minuere, iam augere, iam denticulos abradere, limare, perpurgare, campanulæ vero horisque, ne digitum quidem adhibet, aut si adhibet certè id quidem facit admodum perfunctoriæ. At verò vir minimè male, non attendis idecirco rotis ponderibusque tantum studium adhiberi, quod ab his omnis campanulæ sonantis, & maniculæ horam indicantis directio dependeat? Nisi forte tam sis amens, ut malleum suâ sponte se mouere credas, ictusque quotlibet, & quot ei in mentem venerit, campanæ imprimere, horasque pro ut casus tulerit, indicem demonstrare.

*Qui non
lentum re-*

At vero dices, demus sanè, ad horas integras dirigendas artificem

18.

19.

tificem attendere : illud tamen minimè credo, semihoras quodd curet, aut quadrantes; exiguae hæ sunt minutæ, neque dignæ satis quibus ingenium istud attendat, quod rotulis tam egregiè accurateque conficiendis rectius impenditur, quam quadrantium exprimendorum anxiam & parum utili curam. Quid enim ? an tanta res est quadrans, ut illi totam impendat machinam, artemque suam ?

tarum, &
horarum,
sed & qua-
drantium
& minu-
torum ex-
actam ra-
tionem ha-
bet.

20. Næ tu profecto automatum imperitus es, ista qui loqueris ! ignoras sanè quod sit automatis illius horologique officium & finis : quin imò, quo peritior est artifex & exactior, eō minimarum etiam rerum, quæ machinam totam constituunt, maiorem habet rationem, conscientis in minimis totam consistere machinæ elegantiam & perfectionem. Idcirco non horas modò & quadrantes, sed & minuta singula exprimere, in votis habet. neque verò minoris molis est & artis, quadrantem vnum minutumque exactè horologio determinare, quam horam diemue integrum: imò illud confidere, majoris artis est.

§. IV.

Deum vero caelestibus corporibus veluti instrumentis uti, ad sublunarum curationem, expenditur, & declaratur.

21. Vdem sane obscuramque quamuis, aliquam tamen diuinæ industriae, quam in procurandis rebus sublunaribus Deus adhibet, imaginem exposuimus : quam si Aristoteles non intellexit, aut potius intelligere si noluit, magno tamen ea nobis erit usui, ut curam quam rerum omnium, humanarumque potissimum, gerit Deus, liquidò cognoscamus. Verum humana non attingentes modò, ea quæ terræ, terrenarumque rerum curam spectent, tantummodò expónemus.

Ostenditur
quod cale-
lestia, cor-
pora, sublu-
narum sint
instrumen-
ta.

Certè si res omnes prout in hâc atmosphærâ obueniunt, tantummodò oculis contemplemur, vicissitudinem inquam aëris, ventorum inconstanter rabiem, pluuias, grandinem, niues, glaciem, calorem, frigus, dies noctesque, & has quidem modò breues, modò longas, modò mediocres, obscuras modò, modò sublustræ : rursus, anni tempestatem & temperiem adeò diuer-

Quæ sic
singula
seorsim spes
etas, casus
credes ac-
cidere om-
nia.

H sam;